

15 փետրվարի 2019թ.

ք. Երևան

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՈՐՈՇՈՒՄ թիվ 022883/03

ՎԱՐՉԱԿԱՆ ՎԱՐՈՒՅԹԸ ՎԵՐՍԿՍԵԼՈՒ ԵՎ ՏՈՒՅԺ ՆՇԱՆԱԿԵԼՈՒ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մնացականյանս, քննելով վարչական իրավախախտման վերաբերյալ թիվ 22883 գործը և ուսումնասիրելով վարչական իրավախախտման վերաբերյալ 15.02.2019թ. թիվ 22883 արձանագրությունը,

ՊԱՐԶԵՑԻ

<<ԴԱՎԻԹ ԵՐԹՈՒՂԱՅԻՆ ՏԱՔՍԻ>> ՓԲ ընկերության (ՀՎՀՀ 01538783) տնօրեն Արմեն Բեգունյանը համաձայն ՀՀ պետական եկամուտների կոմիտեի ՓՀՎ տեսչության-վարչության 28.11.2018թ. թիվ 4106429 ակտի առանց ՀՀ օրենսդրությամբ նախատեսված աշխատանքի ընդունման պահանջները բավարարող աշխատանքային պայմանագրի պահել է թվով 7 աշխատող, ՀԴՄ-ով իրականացվող դրամական միջոցների հաշվառումը վարել է այնպիսի խախտումով, որը կարող է առաջացնել հարկի նվազեցում, ինչպես նաև ՀՀ հարկային օրենսգրքի 156-րդ հոդվածի 2018թ. նոյեմբեր ամսվա եկամտային հարկի ու սոցիալական վճարի մասին հաշվարկ օրենքով սահմանված ժամկետում չի ներկայացրել հարկային մարմին, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169⁵ հոդվածով, 169¹ հոդվածի 1-ին և 2-րդ մասերով:

<<ԴԱՎԻԹ ԵՐԹՈՒՂԱՅԻՆ ՏԱՔՍԻ>> ՓԲ ընկերության կողմից 10.12.2018թ. հարկային և մաքսային մարմինների բողոքարկման հանձնաժողով բողոք է ներկայացվել՝ 28.11.2018թ. թիվ 4106429 ակտը վերացնելու պահանջով:

14.12.2018թ. Արմեն Բեգունյանի վերաբերյալ իրականացվող վարչական վարույթը կասեցվել է մինչև հարկային և մաքսային մարմինների բողոքարկման հանձնաժողովի կողմից որոշում կայացնելը:

Համաձայն հարկային և մաքսային մարմինների բողոքարկման հանձնաժողովի 18.01.2019թ. թիվ 4/4 որոշման՝ <<ԴԱՎԻԹ ԵՐԹՈՒՂԱՅԻՆ ՏԱՔՍԻ>> ՓԲ ընկերության դիմում բողոքը մերժվել է:

Կողմը պատշաճ ծանուցված լինելով արձանագրության կազմման, գործի քննության վայրի և ժամանակի մասին, չի ներկայացել: Գործում առկա չէ առարկություն կամ բացատրություն:

Արմեն Բեգունյանի կողմից Վարչական իրավախախտումների վերաբերյալ ՀՀ օրենսգրքի 169⁵ հոդվածով նախատեսված խախտումը՝ ՀՀ ԿԱ ՊԵԿ իրավաբանական վարչության 12.04.2018թ. թիվ 369061 որոշմամբ նշանակված վարչական տույժը կիրառելուց հետո վերջին մեկ տարվա ընթացքում կատարվել է կրկին անգամ, ուստի կատարված իրավախախտման համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 169⁵ հոդվածի 2-րդ մասով:

Նկատի ունենալով, որ արարքը նախատեսված է Վարչական իրավախախտումների վերաբերյալ ՀՀ օրենսգրքի 169⁵ հոդվածի 2-րդ մասով, 169¹ հոդվածի 1-ին և 2-րդ մասերով ուստի ղեկավարվելով Վարչական իրավախախտումների վերաբերյալ ՀՀ օրենսգրքի, ՀՀ օրենսգրքի 169⁵

հողվածի 2-րդ մասով, 32-րդ հողվածի 2-րդ մասով, 35, 244², 281 հողվածներով և 282 հողվածի 1-ին մասի 1-ին կետով՝

ՈՐՈՇԵՑԻ

1. Արմեն Բեգունյանի նկատմամբ 14.12.2018թ. կասեցված վարույթը վերսկսել:
2. Արմեն Բեգունյանի նկատմամբ կիրառել վարչական տույժ՝ նշանակել տուգանք 700.000 դրամի չափով:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա.ՄՆԱՅԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝

Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40)

Վարչական իրավախախտման վերաբերյալ գործի որոշման դեմ գանգատ կարող է տրվել որոշումն ընդունելու օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագործ մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:

Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվհեմարաններին. 900005240487՝ տուգանքի 70%, 900013000246՝ տուգանքի 30% վճարման անդորրագրի <<նպատակ>> դաշտում պարտադիր նշելով որոշման համարը:

Տուգանքը նշանակելու մասին որոշումն իրավախախտում կատարած անձին հանձնելու օրվանից, իսկ տուգանքը նշանակելու մասին որոշումը բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն ենթակա է բռնագանձման օրենսդրությամբ սահմանված կարգով:

Մասնակցեցի գործի քննությանը, որոշման վերաբերյալ առարկություններ չունեմ _____

Ստացա որոշման պատճենը _____